

Teol. 4217

Hołcecki Stanisław: Conclusiones theologicæ de  
sacramentis in genere et in specie de Sep-  
tismo et confirmatione.



Biblioteka Jagiellońska



stdr0001721



In Nomine Domini, Amen.  
CONCLVSIONES  
THEOLOGICÆ,  
De Sacramentis in Ge-  
nere, & in Specie,  
DE BAPTISMO  
&  
CONFIRMATIONE,

Ex Tertia Parte D. THOMÆ  
Doctoris Angelici.



QVAS  
PRÆSIDENTE  
M. MATHIA PSOIECKI

S. Theologiæ, ac interea Cursûs Sacramenta-  
lis RADIMINSKIANI Professore, Collega  
Majore, S. FLORIANI Canonico.

SVSCIPIET  
STANISLAUS MOŁECKI,  
*Philosophiæ Baccalaureus*  
PROPUGNANDAS,


In Augusta D. Iagellonis Aula,

Anno Domini, 1689. Die 13. Julij. t,

CRACOVIAE, TYPIS VNIVERSITATIS.



In Gentilitiū Insigne Perillustri & Reverendiss. D.



59260 Doctorum niveo Capiti; pro mille Coronis,  
 in Gratia BUZINIÆ, sufficit una ROSÆ.



Perillustri, & Rñdissimo Domino,  
**D. STANISLAO**  
 DE BUZENIN  
**BUZENSKI,**  
 DECANO VARMIENSI,  
 Metropolitanæ Gnesnensis & Cracouiensis  
**CANONICO.**  
 DOMINO, & PATRONO AMPLISSIMO.



*D coronas in certamine publico, decora ingenia pro-  
 vocans, Majestatisq̃, sue in Regno Sapientiæ con-  
 scia venit ad Tuæ purpuræ ROSÆ, Theologica  
 Veritas. PERILLVSTRIS & REVERENDIS-  
 SIME DOMINE. Augustum illi, & Regiū omni-  
 nō ab origine decus, quia ex ore Altissimi prodijt: cūmq̃, Regum Re-  
 gis Filia sit, byssus & purpura indumentū eius: nec decet illam, utpote  
 principijs revelatis innixam, arcana cælestia loqui; nisi omne quod  
 dixerit, sit sub ROSA. Sub Tua certè decor illi, & digna imperio Ma-  
 jestas, qui de Rosarum Gentilitio Stemmate, florum Reginam pro  
 Lucina sortitus; ut aliquando Rex animorum, & flos ingeniorū se-  
 lectissimus fieres, etiam inter Natales Fascias, animo Purpuram indu-  
 isti; cultissima jam tunc intus omnia gerens; ut tantò magnificentius  
 qui Te sibi à teneris in delictum elegerat, animus in Te sapiens ha-  
 bitaret. Divum Tibi genus cum Principe ROSARVM DIVO  
 ADALBERTO, cruentam Martyris purpuram induto; sed & Di-  
 vinus ex alto genius, virtutis & sapientiæ capacissimus, seipsoq̃, ma-  
 ior; nisi quod æstimari renuens, ex animo Roseum, coronata Pallas  
 lagellonica, delicatam cordis sui habuit Rosam, eruditionisq̃ Prin-  
 cipem fecit; ut cum eruditissimis certares, victoriam habens, palmas  
 & triumphos recusans. Inde Tibi in eruditione augusta omnia, sive  
 animo sapias, sive Delphos loquaris, sive calamo certes; dilectus  
 ubiq̃, & æstimatus, augustissimis aequæ mentibus, ut & thronis. In-  
 telligentia sæculi nostri, ANDREAS olim OLSZOWSKI, Primas &*



*Princeps Polonia, & sapientia Regni, propè tecum intuitivè locutus, summo Te loco habuit, & dilexit, quia intelligentiam. Os aureum Regni, ab ore Tuo pependisse non erubuit; dum Regens Cancellaria Regni Maioris, oracula digna Te loquereris. Uarmia Te DECANO spectatissima, Administratore beata, cultu maximo veneratur Animū in Te Episcopalem sine mitra. Hic porrò quantum Te aestimaverit, quantum ROSIS Animi Tui flagrantissimis delectatus fuerit, Regius Sanguis, & animorum ipse purpura, Eminentissimus Princeps MICHAEL RADZIEIOWSKI, S. R. E. CARDINALIS, ARCHIEPISCOPVS GNESNENSIS, & PRIMAS REGNI, augustius est, quàm concipi diciq; possit. Maius profectò de Te nullum os, nullumq; seculum dicet, quàm quod purpuratum hoc Orbis, & Romæ oraculum dixit. Nonne & FASCIA gemmarum MALACHOVIANA, eousq; irrequieta fuerat; donec TE PERAVGVSTI CAPITVLI CRACOVIENSIS trino diademati pretiosam, quia diu expectatam insereret gemmam, Coronato IOANNIS CASIMIRI, MICHAELIS, & IOANNIS III. Serenissimorum Poloniae Regum iudicio, magnarum mentium inter uniones semper habitam & coronas. Huc ergo pro corona veritatis decertans, ut Spina Rosa fiant, Theologica de Sacramentis Scientia, una mecum declinat; secura Gratia & Patrocini TUI PERILLVSTRIS & REVERENDISSIME DOMINE; qui me iam pridem intra pulcherrimum Animi Tui Rosetum admisisti; cuius suavecotentia dum reficior, & Gratijs fruor, etiam Gratiarum testes, Disputationis ex Cursu Sacramentali hasce Primitias, in authoramentum observantia mea, Honori Tuo consigno. Author earum, & Fundator Clarissimus Vir MARTINVS RADIMINSKI, Collega Maior, ac verè Regius Professor animum sanè Regium, erga Principem Scientiarum Theologiam ex innocentì peculio testatus; in cuius vultu illo Summum Virum locuto, aestimatorem tanti ingenij, sape defixeras obtutum. Fave superstiti eius, in Universitate nostra Genio; quam cum impense diligas, & auream esse velis, sis ipse calo dilecta, praecellentium ab aureo ævo animorum medulla; sis longæva Musarum gloria; Gratiarum & Honorum omnium, quos renuendo vicisti: Theologicig; certaminis nostri sis ROSA & CORONA.*

*Perillustri & Reverendissimæ Dominationis Tuæ,*

*Devotissimus & Obsequentissimus Clions,  
M. MATHIAS PSOLECKI.*



In Nomine Domini, Amen.

# CONCLVSIONES THEOLOGICÆ, De Sacramētis in Genere & in Specie. DE BAPTISMO & CONFIRMATIONE.

I.



Per Sacramentum, non pecuniam, pro pignore in loco sacro locatam; aut Iuramentum, quod cum invocatione Nominis Divini fiebat; aut Iusjurandum quo se Milites Republicæ obstringebant, prout profani Scriptores accipiebant intelligimus: sed iuxta Sacram Scripturam, Rem divinam, occultam, latentem, quæ videtur captum humanum excedere. Et quamvis varias ac multiplices habeat definitiones, illa tamen est convenientissima, quòd, Sacramentum sit signum rei sacræ: hoc autem signum non est Theoricum sed Practicum, perfectè sanctificans eum cui confertur.

II.

De absoluta sua potentia Deus potuit facere ut Sacramentum non esset signum sensibile: attamen conveniens fuit, ut res sensibiles, Sacramentis accommodaret. Legis veteris Sacramenta constabant tantum rebus & non verbis. Legis verò novæ omnino constare debent & rebus & verbis, quæ debent esse determinata ex divina institutione: & faciunt compositionem non solum Physicam, sed etiam Methaphysicam.

III.

Materia Sacramentorum quædam est Remota, quædam Proxima. Verbum quod est tanquam forma in Sacramentis non est doctrinale seu Cōcionatorium, ut voluit Calvinus; sed debet esse Consecraticium & efficax ad referendam gratiam, si nullum adsit impedimentum. Nec Lutheranorum opinio aliquid valet, dicens, quòd Deus in parvulis excitat pios motus fidei: quia fingit miracula sine vlllo fundamento. Quando Minister adhibet veram Materiam & veram

A

for-



formam & habet intentionem faciendi quod facit Ecclesia, quamvis aliquid addat aut detrahat, quod putat esse de essentia Sacramenti, licet revera non sit verum, conficit Sacramentum. Sacerdos non servans modum materiæ aut formæ, qui communiter observatur, peccat mortaliter.

IV.

Sacramentorum institutio, non fuit necessaria necessitate absoluta; sed quia sanandæ nostræ miseræ, alius convenientior modus non fuit; ideò fuerunt necessaria ex hypothesi, & non in statu innocentiae sed in statu naturæ lapsæ. Hinc à lapsu primi Parentis vsq; ad Moysen debuerunt institui aliqua Sacramenta. In lege scripta tam pro iustificandis parvulis, quàm etiam adultis, quæ vera erant Sacramenta: sed hæc sunt ablata, quia iam sunt impleta, & alia in lege nova sunt instituta, virtute maiora, vtilitate meliora, actu facilio-  
ra, numero pauciora. Et ex his alia, quæ sunt necessaria ex divina institutione necessitate medijs, alia necessitate præcepti.

V.

DE fide est [ & oppositum tenere est manifesta hæresis ] quòd Sacramenta Novæ Legis verè & propriè causant gratiam idq; ex opere operato, quod vt dignius & verius de his sentiamus, asserimus, quòd sint causæ instrumentales Physicæ, gratiæ. Nullum verò Sacramentum antequam suscipiatur confert gratiam, sed tum demùm & eo tempore, quando suscipitur & applicatur si nullus intercesserit obex. Instans in quo gratia producit est aliud quando ultimo Sacramentum completur. Qui sic fictè suscipit Sacramentum, vt non habeat tunc intentionem illud suscipiendi, recedente fictione, permutatam voluntatem non recipiet effectum Sacramenti!

VI.

GRatia Sacramentalis, super gratiam communiter dictam, & super virtutes & dona, addit quoddam divinum auxilium ad consequendum finem Sacramenti. Et hæc gratia Sacramentalis, non continetur in Sacramentis, vt in causa principali, quia hæc est Deus, neq; tanquam in causa æquivoca, sed tanquam in habente virtutem instrumentalem, receptam ab agente principali. Hæc autem virtus instrumentalis Sacramentorum non est aliqua qualitas divinitus impressa, quæ sit virtus conferendæ gratiæ: sed est motus ille ab agente principali, nimirum à Deo, receptus.

VII.



## VII.

**V**irtus salutifera in Sacramento Novæ Legis à Divinitate Christi per eius humanitatem derivatur & specialiter ex passione Christi. Sacramenta Legis veteris, neq; per se ipsa, neq; ex passione Christi habuerunt vim conferendi gratiam iustificatam; sed solum ex fide & devotione in venturum Salvatorem excitata. Passio enim Christi Sacramentorum illorum neq; fuit causa efficiens, neq; gratiæ; sed solum causa finalis.

## VIII.

**C**haracter non est quidem respectus, per quem homo deputatur ad peculiarem cultum Deo exhibendum; nec aliquid ita reale, quod sit relativum, sed est qualitas supernaturalis absoluta spiritualis & indelebilis ab anima, qui reponitur in secunda specie qualitatis. Consistit in essentia animæ, tanquam in subiecto remoto: in intellectu verò tanquam in subiecto proximo.

## IX.

**I**n his Sacramentis, quæ imprimunt Characterem, ut Baptismus, Confirmatio Ordo. Illa quæ se habent per modum medicinæ & sunt ad tollendum peccatum instituta, [ut est Baptismus] principalior effectus est gratia. In his verò quæ ordinantur ad cultum Divinum, ut Confirmatio, Ordo principalior est effectus character: qui omnino est indelebilis, adeò ut etiam in animabus per mortem separatis à corpore existat.

## X.

**O**mnia Sacramenta Novæ legis à Christo Iesu Domino sunt instituta. Et ille secundum quod est Deus operatur interiorem effectum Sacramentorum videlicet gratiam, idq; per authoritatem tanquam Agens principale, propriâ virtute Divinâ: secundum quod autem est homo, est quidem causa effectiva Sacramentorum, & ipsius Gratia, quæ producitur per Sacramenta; sed in ratione causæ efficientis instrumentaria. Et quia humanitas Christi, est instrumentum conjunctum Divinitati; idcirco in genere causæ instrumentalis obtinet, quandam principalitatem, quæ dicitur Potestas excellentiæ.

## XI.

**N**ulli Ministrorum authoritatis potestatem, quam habuit in Sacramentis Christus Dominus potuit communicare;



care; bene tamen Excellentia. Sed & hanc nec Ecclesiae nec vlli Ministrorum concessit. Veritas fidei Catholicae, est ad Sacramentorum perfectionem necessario requiri Ministrum; nulla tamen malitia siue sit occulta, siue sit actoria siue etiam sit haeresis, impedit Ministrum a vera Sacramenti confectione, modo habeat intentionem faciendi quod Christus instituit, & debitam materiam & formam adhibeat.

XII.

**M**inister malus siue in peccato ministrans Sacramentum peccat: & hoc peccatum ex genere suo est mortale; & quoties aliud Sacramentum praeter Baptismum in peccato ministrat, peccat mortaliter; nec excusatur ob necessitatem: siquidem est Minister Ecclesiae publicus, deputatus ad actus sacros exercendos; ad quos dignè peragendos dispositus esse debet. Exercere aliqua Sacramentalia in peccato mortali, vt vestes consecrare, aut Virgines Deo dicatas, aut actum iurisdictionis exercere non est peccatum mortale.

XIII.

**I**n extrema necessitate seu in articulo mortis, tam Sacramentum Baptismi; quam poenitentiae, licet petere a quouis Ministro, etiam non tolerato: siue fuerit excommunicatus, siue degradatus, siue irregularis, siue haeticus; praesertim si praeter illum non possit alius haberi.

XIV.

**D**e Potentia Dei ordinaria soli homines sunt Ministri Sacramentorum; at de absoluta etiam Angeli possunt ministrare Sacramenta. Si aliquis Beatus resurgat qui habuit Characterem Ordinis, probabile est, quod possit vti Characterem potestatis ad Sacramenta ministranda.

XV.

**A**dessentiam cuiuslibet Sacramenti perficiendam, requiritur necessario intentio faciendi id, quod facit Ecclesia, vel quod Christus instituit. Ad quod non sufficit Habitualis, quia est indifferens ad hanc vel ad illam actionem, quae etiam in dormientibus aut ebrijs esse potest. Actualis verò non requiritur, quia non est in potestate hominis semper habere animum actu intentum; sed requiritur virtualis, quae ex Actuali procedit & manet non interrupta per actum contrarium; & haec est ordinans & dirigens actus Sacramentales & in eodem influens.

XVI.



## XVI.

**S** i conficiens Sacramentum non intendit illud perficere sed deridere, præsertim si aliquo signo interno suam derisori-  
am actionem manifestet, nullum conficit Sacramentum: quia  
talis perversitas tollit veritatem & essentiam Sacramenti. Si  
verò intendat facere, quod facit Ecclesia & præterea intendit  
aliquod flagitium, vti consecret Eucharistiam, vt eâ ad vene-  
ficia abutatur, talis verè consecrabit, quia ab his pravis inten-  
tionibus adjunctis, non pendet Sacramenti confectio. Talis  
tamen Sathanicus Minister, committit crimen sacrilegij.

## XVII.

**V** eritas Catholica docet nec plura, nec pauciora esse Sacra-  
menta Novæ legis, quàm septem; scilicet Baptismum. —  
Confirmationem, Eucharistiam; Pœnitentiam, Extremam  
Vnctionem, Ordinem & Matrimonium. quæ communiter  
& debito ordine sunt ordinata. Inter quæ Eucharistia omni-  
um Sacramentorum est Sacramentum dignissimum; sed Ba-  
ptismus absolute ad salutem est necessarius. Pœnitentia ne-  
cessaria supposito peccato. Ordo ratione Ecclesiæ Christi-  
anæ. Reliqua verò necessaria ad melius esse.

## XVIII.

**D** octor Gentium Sacramentum Baptismi appellat Lava-  
crum generationis. Mysterium sepulturæ Christi. Ho-  
stiam pro peccatis. Sacramentum hoc Catechismus Consi-  
lij Tridentini sic definit: Baptismus est signum seu Sacramen-  
tum Gratiæ regenerationis per lavacrum aquæ & verbum vi-  
tæ. Christus Dominus instituit illum ante suam Passionem, &  
quoad Materiam & quoad formam. Annum institutionis ex-  
primit S. Lucas Cap. 3. Ipse erat incipiens quasi annorum tri-  
ginta. De die & Mense res non ita certa.

## XIX.

**B** aptismus, post sui institutionem fuit in Consilio, vsq; ad  
Passionem & Resurrectionem Christi, & ideo Circumci-  
sio habuit vim obligandi Iudæos ad sui observantiam vsq; ad  
vltimum Spiritum Christi. Baptismus verò à morte Christi,  
cepit sub præcepto obligare, quanquam hi, ad quos illius pro-  
mulgatio non pervenit, ignorantia excusarentur.

## XX.

**M** ateria Baptismi remota est aqua Elementaris Natura-  
lis,



lis, vera & simplex, & à sua specie non soluta. quæ ob maiorem Sacramenti reverentiam debet esse purissima. Urgente autem necessitate, alia adhiberi potest, ut turbulenta, amara, lutosa, colata per cineres vel quamvis sulphur habeat admixtum, ut sunt aquæ, per metalla transeuntes, sunt enim aquæ essentialiter, nec suam essentiam mutant. Similiter aqua ex glaciè nive, grandine, resoluta, si sufficienter liquefiat. Proxima vero Materia est ipsa ablutio, in qua est applicatio aquæ quæ fieri potest vel per Asperisionem, vel Immersionem vel Infusionem. Ut rite Baptismus suscipiatur, non sufficit si Baptizati solum aquâ velles aspergantur. Præceptum Ecclesiæ est ut caput abluatur.

XXI.

**F**orma Baptismi: Ego te baptizo in Nomine Patris & Filij & Spiritus Sancti, est conveniens. In quo omnino necessarium est ut exprimaturs actus baptizandi per verbum Baptizo, & Persona quæ baptizatur: & ut sit distincta nominatio & invocatio trium Personarum alioqui Baptismus collatus in Nomine Trinitatis, aut in Nomine Christi, omnino est nullus.

XXII.

**T**ria sunt Baptisma scilicet Fluminis, Flaminis & Sanguinis. inter quæ solus Baptismus aquæ propriè & verè rationem Baptismi obtinet. Flaminis & Sanguinis non sunt propriè Sacramentum, sed vicem Baptismi Fluminis supplent. Ad Martyrium requiritur dispositio, ut si sit adultus & conscius sibi alicuius peccati mortalis, nec illud ob instantem mortem, confiteri potest, ut per veram Contritionem conteratur. Martyrium confert gratiam ex opere operato.

XXIII.

**B**aptismus ritè & verè collatus iterari non debet. Si autem de aliquo dubium esset, an sit baptizatus, baptizandus est sub conditione, non autem rebaptizandus. cum tali forma: si baptizatus es, non te rebaptizo, sed si nondum es baptizatus: Ego te Baptizo in Nomine Patris & Filij & Spiritus Sancti. Ab obstetricibus domi baptizati, ab Hæreticis, & pueri expositi sub conditione sunt baptizandi. Olim pro adultis baptizandis tempus erat primum Vigilia Paschatis, secundum Pentecostes. Sed hic mos desijt esse in Ecclesia, vnde quovis tempore adulti, sicut & infantes baptizari possunt.

XXIV.



## XXIV.

**M**inister Ordinarius Baptismi, per totam suam Diocesim est Episcopus, in sua propria Parochia Curatus Sacerdos. Diaconi non est officium ut baptizet. Ad administrandum Baptismum requiritur iurisdictio. Erit tamen si quis absque iurisditione baptizet. In casu necessitatis, non solum Sacerdos vel Diaconus, sed etiam laicus & mulier: imò etiam Paganus & Hæreticus baptizare potest, modo possit & sciat debitam formam proferre, & materiam applicare cum intentione Ecclesie. Si tamen Sacerdos facile haberi potest, prætermitti non debet. Nam si fuerit negliens est peccatum mortale. Mos ut plures Ministri, vni conferant Baptismum, non est licitus.

## XXV.

**P**ræter Ministrum qui baptizat, Patrini sunt necessarii, qui infantem baptizandum offerant & teneant: quorum officium est, ut, eorum quos de Sacro fonte susceperunt, curam gerant, tanquam spirituales parentes, eosque in his quæ ad fidem & ad vitam Christianam spectant instruant & informant. Ad hoc Officium non baptizati hæretici, Abbates, cum suis Monachis, Abbatissæ, cum suis Monialibus, Parentes Carnales, Pueri, & qui usum rationis non habent non admittuntur. Ex dispositione Concilij Tridentini sess. 24. Cap. 2. ad hoc munus unus tantum sufficit, sive sit vir, sive mulier, vel ad summum unus & una, qui baptizatum suscipiant. Ex hoc actu quod quis levat baptizatum contrahitur cognatio, quæ est impedimentum contrahendi inter illos Matrimonium.

## XXVI.

**N**emo salvari potest sine Baptismi susceptione re, aut voto; quod expleri debet, quando id comode fieri potest, & hoc sufficit implicitum & virtuale, ea cupiendo adimplere, quæ Deus ordinavit ad salutem consequendam. Per Baptismum non solum Originalis peccati macula, sed etiam actualium deletur. Qui retinent propositum peccandi, ad Baptismum non sunt admittendi.

## XXVII.

**B**aptismus, delet ac tollit peccatum Originale & simul omne actuale, ac personale, si quod ante eius susceptionem est commissum, nisi ex parte susipientis ponatur obex: ita, ut in baptizato nihil remaneat, quod peccati propriè distinctionem habeat. Tollit quoque simul cum peccatis, omnem reatum pænæ pro peccatis debitæ, non tantum æternæ, sed etiam temporalis.

## XXVIII.

**F**ictio quæ quis simulat exterius se velle baptizari, & tamen interiorius nullam habeat voluntatem suscipiendi Baptismum, non tantum impedit effectum Sacramenti, sed ipsum quoque Sacramentum, ita ut Baptismus tali collatus sit planè nullus. Quando verò quis exterius, ita se gerit, ac si fidem haberet, & de peccatis pæniteret, atque sese ad Deum converteret, & tamen reverà vel fidem non habet, aut certè peccata adhuc ei complacent, neque eorum affectum, sive voluntatem deponit; tunc non impedit veritatem Sacramenti



neq; impressionem Characteris, sed impedit remissionem peccatorum, & infusionem gratiæ.

XXIX.

**C**ONFIRMATIO, quæ secundum inter Sacramenta Novæ legis occupat locum, est verum propriè dictum Sacramentum a Christo Domino institutum. Materia eius remota, est Chrisma seu unguentum ex oleo olivarum, & balsamo confectum. Proxima verò est ipsa unctio, quam Episcopus facit in fronte Confirmati. Forma vero est: Signo te signo Crucis confirmo te Chrismate salutis. In Nomine Patris & Filij & Spiritus Sancti. & hoc Sacramentum, imprimit animæ characterem indebilem, eod; nomine iterari nunquam potest.

XXX.

**S**acramentum Confirmationis confert per se augmentum gratiæ sanctificantis, sed requirit, vt suscipiens sit in statu gratiæ, ad hoc, vt dignè & cum effectu gratiæ sanctificantis, illud percipiat. Sacramenti huius omnes capaces sunt, tam Parvuli, quam Adulti. Eius Minister Ordinarius est Episcopus, Ritus, quos Ecclesia in hoc Sacramento conferendo adhibet, sunt convenientes. Et licet præcipuè in die Pentecostes debeat administrari, quia illo die Apostoli cum cæteris Discipulis Christi Domini virtute Spiritus Sancti corroborati, & induti ex alto fuerunt, tamen quia magna est Confirmandorum multitudo, cui certis temporibus Episcopus non sufficeret confirmandæ; ideo extra tempus Pentecostes etiam tempore pomeridiano solet hoc Sacramentum administrari.

SUB FELICISSIMIS AUSPICIIS

*Magnifici, Perillustis, & Admodum Reuerenti Domini*

**D. M. IOANNIS MICHALSKI,**

Sacrae Theol. Doctoris & Professoris, Ecclesiarum Collegiatarum  
S. FLORIANI Præpositi, S. GEORGIJ in Arce Custodis.

Almae Universitatis Cracoviensis

PROCELLARIJ,

Ejusdemq; Studij, Generalis & Vigilantissimi

**R E C T O R I S.**





